



REPUBLIKA E SHQIPËRISË
KËSHILLI I MINISTRAVE

PROJEKT VENDIM

Nr. _____, datë _____.2023

**PËR DISA SHTESA DHE NDRYSHIME NË VENDIMIN NR. 378 DATË 05.06.2019,
TË KËSHILLIT TË MINISTRAVE, “PËR MIRATIMIN E RREGULLIT TEKNIK
PËR PAJISJET RADIO, NJOHJEN E NDËRSJELLË TË VLERËSIMIT TË
KONFORMITETIT TË TYRE DHE PËRCAKTIMI I LISTËS SË STANDARDEVE
TË HARMONIZUARA”¹**

Në mbështetje të nenit 100 të Kushtetutës, të neneve 5 pika 2, dhe 42 të ligjit nr. 10 489, datë 15.12.2011 “Për tregtimin dhe mbikëqyrjen e tregut të produkteve joushqimore” i ndryshuar, si dhe të pikës 3 të nenit 79 të ligjit nr. 9918, datë 19.5.2008 “Për komunikimet elektronike në Republikën e Shqipërisë”, të ndryshuar, me propozimin e Zëvendëskryeministrit dhe ministër i Infrastrukturës dhe Energjisë, Këshilli i Ministrave,

V E N D O S I:

I. Në tekstin e rregullit teknik për pajisjet radio, njohjen e ndërsjellë të vlerësimit të konformitetit të tyre dhe përcaktimin e listës së standardeve të harmonizuara bëhen këto shtesa dhe ndryshime:

Neni 1

Në nenin 3, bëhen këto ndryshime:

1. Shkronja “a)” ndryshohet si më poshtë vijon:

“a) pajisjet radio ndërveprojnë me aksesore të ndryshëm përveç pajisjeve të karikimit për kategoritë ose klasat e pajisjeve radio, të specifikuar në pjesën e parë të Aneksit I/1, bashkëlidhur këtij vendimi dhe që referohen në mënyrë specifike në pikën 5 të këtij neni;”.

2. Pas pikës 4, shtohen pikat 5, 6, 7, 8, 9, 10, 11, 12 dhe 13 me këtë përmbajtje:

“5. Pajisjet radio brenda një kategorie ose klase të specifikuar në pjesën e parë të Aneksit I/1, ndërtohen në përputhje me specifikimet për aftësitë e ushqimit/ngarkimit të përcaktuara në aneks për kategorinë ose klasën përkatëse të pajisjeve radio.

6. Për pajisjet radio që mund të ngarkohen me karikues me tel, ministri bazuar në zhvillimet teknologjike ose të tregut dhe pas konsultimit me AKEP, nxjerr udhëzim për:

¹ Ky projektvendim është i përafuar plotësisht me Direktivën 2014/53/EU e Parlamentit Evropian dhe të Këshillit të datës 16 Prill 2014, mbi harmonizimin e legjisllacionit të Shteteve Anëtare në lidhje me vendosjen në treg të pajisjeve radio dhe shfuqizimin e direktivës 1999/5/EC, e ndryshuar me Direktivën 2022/2380/EU e Parlamentit Evropian dhe të Këshillit të datës 23 nëntor 2022

- a) modifikimin, shtimin ose heqjen e kategorive ose klasave të pajisjeve radio;
- b) modifikimin, shtimin ose heqjen e specifikimeve teknike, përfshirë referencat dhe përshkrimet, në lidhje me prizën e karikimit dhe protokollin e komunikimit të karikimit, për çdo kategori ose klasë të pajisjeve radio në fjalë.
7. AKEP vlerëson vazhdimisht zhvillimet e tregut, me qëllim identifikimin e kategorive ose klasave të pajisjeve radio, të afta për t'u ngarkuar me anë të karikimit me tel, dhe përfshirja në pjesën e parë të Aneksit I/1, lehtëson konsumatorin dhe redukton mbetjet mjedisore.
8. AKEP i paraqet ministrit, një raport mbi vlerësimin e kryer sipas paragrafit 7, të këtij neni, tre vjet pas hyrjes në fuqi të këtij rregulli dhe me pas çdo 5 vjet.
9. Për pajisjet radio që mund të ngarkohen me mjete të ndryshme nga karikimi me tel, bazuar në zhvillimet shkencore, teknologjike dhe të tregut, ministri nxjerr udhëzime:
- a) për të prezantuar, modifikuar, shtuar, hequr kategoritë ose klasat e pajisjeve radio;
- b) për të prezantuar, modifikuar, shtuar ose hequr specifikimet teknike, përfshirë referencat dhe përshkrimet, në lidhje me ndërfaqen(et) e karikimit dhe protokollin(et) e komunikimit të karikimit, për çdo kategori ose klasë të pajisjeve radio në fjalë.
10. Bazuar në ligjin për standardizimin publikohet lista e standardeve të harmonizuara që përcaktojnë specifikimet teknike për ndërfaqet e karikimit dhe protokollet e komunikimit të karikimit për pajisjet radio që mund të rimbushen edhe me mjete të ndryshme nga karikimi me tel.
11. Kërkesat në lidhje me përmbajtjen e standardeve të harmonizuara të kërkuara, bazohen në vlerësimin e kryer për gjendjen aktuale të teknologjive të karikimit me valë për pajisjet radio, duke mbuluar veçanërisht zhvillimet në treg, depërtimin e tyre në treg, fragmentimin e tregut, performancën teknologjike, ndërveprueshmërinë, efikasitetin e energjisë dhe performancën e karikimit.
12. Në përgatitjen e udhëzimeve të përmendura në këtë nen në lidhje me pajisjet radio që mund të karikohen me anë të karikimit me tel, si dhe në lidhje me pajisjet radio që mund të karikohen me mjete të ndryshme nga karikimi me tel, merret parasysh shkalla e pranimit në treg të specifikimeve teknike në shqyrtim, lehtësitë për konsumatorin, shkallën e reduktimit të mbetjeve mjedisore dhe fragmentimin e tregut që mund të pritët nga këto specifikime teknike.
13. Specifikimet teknike që bazohen në standardet përkatëse evropiane ose ndërkombëtare të disponueshme, konsiderohen se përmbushin objektivat e përcaktuara në pikën 12, të këtij neni. Kur standardet evropiane ose ndërkombëtare nuk ekzistojnë, ose kur AKEP bazuar në vlerësimin e tij teknik përcakton, se ato nuk i përmbushin objektivat në mënyrë optimale, mund të përcaktohen specifikime të tjera teknike që përmbushin më mirë këto objektiva.”.

Neni 2

Pas nenit 3, shtohet neni 3/1 me këtë përmbajtje:

“Neni 3/1

Pajisjet radio pa pajisje karikimi

1. Kur një operator ekonomik u ofron konsumatorëve dhe përdoruesve të tjerë fundorë, mundësinë për të blerë pajisje radio të përcaktuara në pikën 5 të nenit 3, të këtij rregulli, së bashku me një pajisje karikimi, operatori ekonomik i ofron gjithashtu konsumatorit dhe përdoruesve të tjerë fundorë, mundësinë e marrjes së asaj pajisjeve radio pa pajisje karikimi.

2. Operatorët ekonomikë, duhet të sigurojnë informacion nëse pajisja e karikimit përfshihet apo jo në pajisjen radio të përmendur në pikën 5 të nenit 3, të këtij rregulli.
3. Informacioni sipas pikës 2 të këtij neni, duhet të jepet në një formë grafike, duke përdorur një piktogram të përshtatshëm për përdoruesit dhe lehtësisht të aksesueshëm, siç përcaktohet në pjesën e trete të aneksit I/1 të këtij rregulli teknik.
4. Kur një pajisje radio vihet në dispozicion të konsumatorëve dhe përdoruesve të tjerë fundorë, piktogrami duhet të printohet në paketim ose të ngjitet në paketim. Piktogrami duhet të shfaqet në mënyrë të dukshme dhe të lexueshme dhe, në rastin e shitjes në distancë, të shfaqet afër treguesit të çmimit.
5. Si pasojë e ndryshimeve në pjesën e parë dhe të dytë të Aneksit I/1, sipas përcaktimeve në nenin 3, të këtij rregulli, ose për shkak të ndryshimeve në kërkesat e etiketimit, apo të progresit teknologjik, elementët grafik ose tekstual të piktogramës mund të modifikohen përkatësisht në pjesën përkatëse të Aneksit I/1.”.

Neni 3

Pas pikës 9, në nenin 10, shtohet pika 9/1, me këtë përmbajtje:

“9/1. Në rastin e pajisjeve radio të përmendura në pikën 5, të nenit 3, të këtij rregulli, udhëzimet përmbajnë informacion mbi specifikimet për aftësitë e karikimit të pajisjeve radio dhe pajisjet karikuese të përshtatshme, siç përcaktohet në pjesën e dytë të Aneksit I/1. Përveç informacionit të përfshirë në udhëzime, informacioni do të shfaqet në një etiketë, sipas modelit të përcaktuar në pjesën e katërt të aneksit I/1. Etiketa duhet të printohet në udhëzime dhe në paketim ose të ngjitet në paketim. Në mungesë të paketimit, etiketa duhet të fiksohet me ngjitës tek pajisja radio. Etiketa duhet të shfaqet në mënyrë të dukshme dhe të lexueshme dhe në rastin e shitjes në distancë, dhe të vendoset afër treguesit të çmimit. Kur madhësia ose natyra e pajisjes radio nuk e lejon ndryshe, etiketa mund të printohet si një dokument i veçantë që shoqëron pajisjen radio. Për reflektimin e ndryshimeve të miratuara në pjesën e parë dhe të dytë të Aneksit I/1, sipas përcaktimeve në nenin 3, të këtij rregulli, ose kur diktohet nga ndryshimet e kërkesave të etiketimit, apo për shkak të progresit teknologjik, elementët grafik ose tekstual të pjesës së katërt të Aneksit I/1, do të modifikohen përkatësisht duke futur, modifikuar, shtuar ose hequr çdo detaj në lidhje me informacionin, elementët grafikë ose tekstualë, siç përcaktohet në këtë nen.”.

Neni 4

Pas pikës 4, në nenin 12, shtohet pika 4/1 me këtë përmbajtje:

- “4.1 Kur pajisjet radio të përmendura në pikën 5, të nenit 3, të këtij rregulli, vihen në dispozicion të konsumatorëve dhe përdoruesve të tjerë fundorë, importuesi duhet të sigurojë që:
- a) këto pajisje radio të kenë ose të pajisen me një etiketë në përputhje me pikën 9.1, të nenit 10 të këtij rregulli;
 - b) etiketa të jetë shfaqur në mënyrë të dukshme dhe të lexueshme dhe në rastin e shitjes në distancë, të jetë vendosur afër treguesit të çmimit.”.

Neni 5

Pas pikës 2, në nenin 13, shtohet pika 2/1 si më poshtë:

“2.1 Kur pajisjet radio të përmendura në pikën 5, të nenit 3, të këtij rregulli, i vihen në dispozicion konsumatorëve dhe përdoruesve të tjerë fundorë, shpërndarësit duhet të sigurojnë që:

- a) pajisjet radio të kenë ose të pajisen me një etiketë, në përputhje me pikën 9/1, të nenit 10 të këtij rregulli;
- b) etiketa të jetë shfaqur në mënyrë të dukshme dhe të lexueshme dhe në rastin e shitjes në distancë, të jetë vendosur afër treguesit të çmimit.”.

Neni 6

Në pikën 1, të nenit 17, togfjalëshi “*sipas përcaktimeve në nenin 3*”, zëvendësohet me “*sipas përcaktimeve në pikën 1 dhe 5 të nenit 3...*”.

Neni 7

Në pikën 3, të nenit 21, togfjalëshi “*do të jetë në gjuhën shqipe*”, zëvendësohet me “*do të jetë në gjuhën zyrtare të vendit ku organi i miratuar/notifikuar është krijuar ose në një gjuhë lehtësisht të kuptueshme nga organi i miratuar/notifikuar.*”.

Neni 8

Në nenin 35, bëhen këto ndryshime:

1. Titulli ndryshohet si më poshtë:

“Neni 35

Procedura në nivel kombëtar për trajtimin e pajisjeve radio që paraqesin rrezik ose nuk janë në përputhje me kërkesat thelbësore”

2. Në pikën 1, pas togfjalëshit “...për aspektet e mbrojtjes së interesit publik,” shtohet togfjalëshi “ose që nuk përputhen me të paktën një nga kërkesat thelbësore të zbatueshme sic përcaktohet në nenin 3,...”.

Neni 9

Në nenin 38, bëhen këto ndryshime:

1. shkronjat “ë”) dhe “g)”, të pikës 1, ndryshohen me përmbajtjen si më poshtë vijon:

“ë) mungesës, si pjesë shoqëruese e pajisjes radio, të informacioni sipas pikës 9/1, të nenit 10, të këtij rregulli, deklaratës EC të konformitetit ose të kufizimeve të përdorimit sipas përcaktimeve në pikën 11, të nenit 10 të këtij rregulli;

- g) moszbatimit të përcaktimeve të pikës 1, të nenit 3/1 ose nenit 5.”.

2. Në pikën 1, pas shkronjës “g”, shtohen shkronjat “h)”, “i)”, “j)”, me përmbajtjen si më poshtë vijon:

“h) piktogrami i përmendur në pikën nenin 3a(2), ose etiketa siç referohet në pikën 9/1, të nenit 10 të këtij rregulli, nuk është hartuar saktë;

i) etiketa e përmendur në me pikën 9.1, të nenit 10 të këtij rregulli, nuk shoqëron pajisjet radio në fjalë;

j) piktogrami ose etiketa nuk është ngjitur ose shfaqur në përputhje me pikën 3 te nenit 3/1 ose me pikën 9.1, të nenit 10 të këtij rregulli, përkatësisht.”.

II. Masat e parashikuara për kategoritë ose klasat e pajisjeve radio të përcaktuara në pikat 1.1 deri në 1.12, të pjesës së parë të Aneksit I/1, zbatohen duke filluar nga data 1 Janar 2025.

III. Masat e parashikuara për kategoritë ose klasat e pajisjeve radio të përcaktuara në pikën 1.13, të pjesës së parë të Aneksit I/1, zbatohen duke filluar nga data 1 korrik 2026.”.

IV. Pas Aneksit 1 bashkëlidhur vendimit, shtohet Aneksi 1/1, sipas këtij vendimi.

V. Ngarkohen Ministria e Infrastrukturës dhe Energjisë, Autoriteti i Komunikimeve Elektronike dhe Postare dhe Inspektorati Shtetëror i Mbikëqyrjes së Tregut, për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTRI

Edi Rama

**“ANEKSI I/1
SPECIFIKIMET DHE INFORMACIONET NË LIDHJE ME KARIKUESIT TË
ZBATUESHME PËR DISA KATEGORI OSE KLASA TË PAJISJEVE RADIO**

PJESA I

Specifikimet në lidhje me aftësitë e karikimit

1. Kërkesat e përcaktuara në pikat 2 dhe 3 të kësaj pjese, zbatohen për kategoritë ose klasat e mëposhtme të pajisjeve radio:

1.1. telefonat celularë;

1.2. tabletat;

1.3. kamerat digjitale;

1.4. kufjet;

1.5. kufje me mikrofon;

1.6. konsolat e videolojërave me dorë;

1.7. altoparlantët portativë;

1.8. lexuesit elektronike;

1.9. tastierat;

1.10. mouset

- 1.11. sistemet portative të navigimit;
 - 1.12. kufje pa tel;
 - 1.13. laptopët.
2. Për aq sa janë në gjendje të ngarkohen me anë të karikuesit me tel, kategoritë ose klasat e pajisjeve radio, të përmendura në pikën 1, të kësaj pjese, do të:
- 2.1) të jenë të pajisur me prizën USB Tipi-C, siç përshkruhet në standardin SSH EN IEC 62680-1-3:2021 “Ndërfaqet universale të autobusëve serialë për të dhënat dhe energjinë – Pjesa 1-3: Komponentët e zakonshëm – specifikimet e Kabllit dhe Lidhësit, USB ModelType-C®”, dhe ajo e marrjes që priza, të mbetet e aksesueshme dhe funksionale gjatë gjithë kohës;
 - 2.2) të jetë në gjendje të ngarkohet me kablllo që përputhen me standardin SSH EN IEC 62680-1-3:2021 "Ndërfaqet universale të autobusëve serialë për të dhënat dhe energjinë - Pjesa 1-3: Komponentët e zakonshëm - Specifikimi i kablllove dhe lidhësit USB TypeModel-C®".
3. Për aq sa janë në gjendje të ngarkohen me anë të karikuesit me tel me tension më të lartë se 5V, me rrymë më të lartë se 3A ose fuqi më të larta se 15W, kategoritë ose klasat e pajisjeve radio të përmendura në pikën 1 të kësaj pjese do të:
- 3.1. inkorporojnë shpërndarjen e energjisë USB, përfshijnë fuqinë e furnizuar USB, siç përshkruhet në standardin SSH EN IEC 62680-1-2:2021 "Ndërfaqet universale të autobusëve serialë për të dhënat dhe energji fuqinë- Pjesa 1-2: Komponentët e zakonshëm - Specifikimi i shpërndarjes së energjisë fuqisë së furnizuar USB";
 - 3.2. sigurojnë që çdo protokoll shtesë karikimi, të mundësojë funksionalitetin e plotë të fuqisë së furnizuar shpërndarjes së energjisë USB, të përmendur në pikën 3.1, pavarësisht nga pajisja e karikimit të përdorur.

PJESA II

Informacion mbi specifikimet për aftësitë e karikimit dhe pajisjet e përshtatshme të karikimit


Në rastin e pajisjeve radio që përfshihen në objektin e pikës 5, të nenit 3, informacioni i mëposhtëm do të tregohet në përputhje me kërkesat e përcaktuara në pikën 9.1 të nenit 10, dhe mund të vihet në dispozicion si shtesë përveç kësaj, me anë të Kodeve QR ose me zgjidhje të ngjashme elektronike:

- a) në rastin e të gjitha kategorive ose klasave të pajisjeve radio, që i nënshtrohen kërkesave të përcaktuara në pjesën I, një përshkrim të kërkesave për energjitë e pajisjeve të karikimit me tel, që mund të përdoren me atë pajisje radio, duke përfshirë fuqinë minimale të nevojshme për të karikuar pajisjet e radios dhe fuqinë maksimale të nevojshme për të karikuar pajisjet e radios me shpejtësinë maksimale të karikimit të shprehur në Wat, duke shfaqur tekstin: “Fuqia e dhënë ofruar nga karikuesi duhet të jetë midis min [x] Wat që kërkohet nga pajisja e radios, dhe max [y] Wat, në mënyrë që të arrihet shpejtësia maksimale e karikimit”. Numri i Wat duhet të shprehë, përkatësisht, fuqinë minimale të kërkuar nga pajisja radio dhe fuqinë maksimale të kërkuar nga pajisja radio për të arritur shpejtësinë maksimale të karikimit;
- b) në rastin e pajisjeve radio që i nënshtrohen kërkesave të përcaktuara në pikën 3 të pjesës I, një përshkrim të specifikimeve në lidhje me aftësitë e karikimit të pajisjes radio, për aq sa është në gjendje të rikarikohet me mjetet e karikimit me tel në tensione më të larta se 5V, ose rryma më të larta se 3A, ose fuqi më të larta se 15W, duke përfshirë një tregues që pajisja radio mbështet protokollin e karikimit të shpërndarjes së energjisë së furnizuar USB, duke shfaqur tekstin "karikim i shpejtë USB PD (fuqia e furnizuar)" dhe një tregues të çdo protokollit tjetër karikimi të suportuar, duke shfaqur emrin e tij në format teksti.

PJESA III


Piktograma që tregon nëse një pajisje karikuese është ose jo e përfshirë me pajisjen radio
 1. Piktograma duhet të jetë në formatet e mëposhtme:

1.1. Nëse me pajisjen radio përfshihet një pajisje karikimi, është e përfshirë me pajisjen radio:



1.2. Nëse me pajisjen radio:

një pajisje karikimi është e përfshirë me pajisjen radio:




2. Piktograma mund të ndryshojë në pamje (p.sh. përsa i përket ngjyrës, fortësisë ose zbrazësisë, trashësisë së vijës), me kusht që të mbetet e dukshme dhe e lexueshme. Nëse piktograma zvogëlohet ose zmadhohet, do të ruhen përmasat e përcaktuara në vizatimet në pikën 1 të kësaj pjese. Dimensionin "a" i përmendur në pikën 1 të kësaj pjese, do të jetë më i madh ose i barabartë me 7 mm, pavarësisht nga ndryshimi.

PJESA IV

Përmbajtja dhe formati i etiketës

1. Etiketa/emërtimi duhet të ketë formatin e mëposhtëm :



2. Shkronjat "XX" do të zëvendësohen nga figura që korrespondon me fuqinë minimale të kërkuar nga pajisja e radios për të karikuar, e cila përcakton fuqinë minimale që duhet të

furnizojë një pajisje karikuese për të karikuar pajisjen radio. Shkronjat "YY" do të zëvendësohen nga figura që korrespondon me fuqinë maksimale të kërkuar nga pajisja radio për të arritur shpejtësinë maksimale të karikimit, e cila përcakton fuqinë që duhet të furnizojë një pajisje karikuese të paktën për të arritur atë shpejtësi maksimale të karikimit. Shkurtesa "USB PD" (Shpërndarja e energjisë/Fuqia e furnizuar USB), do të shfaqet nëse pajisja radio e mbështet atë protokoll komunikimi karikimi. "USB PD" është një protokoll që negocion zhvillon/ofron shpërndarjen më të shpejtë të rrymës nga pajisja e karikimit në pajisjen radio, pa shkurtuar jetëgjatësinë e baterisë.

3. Etiketa/Emërtimi mund të ndryshojë në pamje (p.sh. për sa i përket ngjyrës, e fortësisë ose zbrazëtisë, trashësisë së vijës), me kusht që të mbetet e dukshme dhe e lexueshme. Nëse etiketa/emërtimi zvogëlohet ose zmadhohet, do të ruhen përmasat e përcaktuara në vizatimin në e pikën 1 të kësaj pjese. Dimensioni "a" i përmendur në pikën 1 të kësaj pjese do të jetë më i madh ose i barabartë me 7 mm, pavarësisht nga ndryshimet.”.